

बीरा रामदेव हो बीरा म्हाने,  
एक बार लेवण आए,  
अरे अलगो गणो सासरो रे,  
बीरा म्हाने माता मिलण रो छावनी,  
बीरा म्हारा रामदेव रे,  
जामण जाया एक बार लेवण आए ॥

अलगी गणी परणाई रे बीरा म्हारी,  
लीनी नहीं सार संवार,  
अरे आछो लगन लिखायो जोशी ने,  
क्युं नही खाओ कालो नाग,  
बीरा रामदेव हों भीरा म्हाने ,  
एक बार लेवण आए ॥

अरे बेठी ने दोनुं झुरे रे म्हारा,  
बुढा मायर बाप,  
अरे जीव अमुझे उंडी डोरिया में म्हारे,  
पड़े काल पर काल,,  
बीरा रामदेव हों भीरा म्हाने ,  
एक बार लेवण आए ॥

अरे सासु जितरे सासरो रे भीरा,  
मायड जितरे पीर,  
अरे जद भोजाया घर आवसी ओ,

थारो बस कोनी चाले म्हारा भीर,  
बीरा रामदेव हों भीरा म्हाने ,  
एक बार लेवण आए ॥

अरे एकरतो दिखा दे रे बीरा म्हाने,  
रुणीचा रा रुख,  
अरे कुण जाणे कद होवसी रे,  
बीरा गांव रुणीचा माही धुप,  
बीरा रामदेव हों भीरा म्हाने ,  
एक बार लेवण आए ॥

अरे भीर हुकुम रतना ने दिन्हो,  
बाई सुगना ने लाए,  
ओल्यु सुगना बेन री ओ,  
कोई कत्थ गावे पन्ना लाल,  
बीरा रामदेव हों बीरा म्हाने ,  
एक बार लेवण आए ॥

बीरा रामदेव हो भीरा म्हाने ,  
एक बार लेवण आए,  
अरे अलगो गणो सासरो रे,  
बीरा म्हाने माता मिलण रो छावनी,  
बीरा म्हारा रामदेव रे,  
जामण जाया एक बार लेवण आए ॥

स्वर मोइनुद्दीन जी  
प्रेषक नारायण रेगर  
Ph. 9549365704

Source: <https://www.bharattemples.com/bira-mhara-ramdev-re/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>